

Vacunarikurhini COVID-19 jimbo King County isi



Jatsiskaksia vacunechani enga terhukundaka ka engatsi kuachakuaka COVID-19 jingoni.



COVID-19 vacunecha no jukaparasti tumina ka iaminduecha uati marhoatani no uetarhuati asuguranza arhikata, ciudadania o sirandecha ambe. Vacunecha maienpiati Medicare, Medicaid, aseguranza privaducha. Imajtuksi uati vacunarikurhini engaksi no kangurijk'a aseguranza arhikata. Imajt'u, chari tsinajperi noksi kurhachiatu tumina jimajk'ani engatsi vacunarikurhini niuaka.



Kurhamari chiti tsinapirini namunirhi ueturhincha. Marhoaka, Moderna ka Pfizer vacunecha tsimani xangari ueturhisini, tsimani jamani jukakua tanimu semana ochka ma kutsi isiisi erokurhiaka, ka Johnson & Johnson ma xangarku uetarhusini.



COVID-19 vacunecha seksi uerhat'ia ka kanikuaksi marhoasini. Iamindu vacunecha engaksi angaxataka COVID-19 sesi ts'ekungasi someni ka tatsikuaruksi usinga marhoatania. Kungurikua Uaxatakata enga Kuachakujk'a T'irekua ka Sipiatu ambe iXu Estados Unidos isi (FDA) indeni xeparhini engatsi vacunecha terukuchixaka indeksi inspesti sesikua eska marhuatangakia. Tamu martaru jangaskaticha terukutandataksi eska isika eska kanikua sesi uaxataka jarat'iksi ka eskaksi marhuauaka.



Marhapenkuaru sanisiksi nosesi p'ikuastati. Eska neka iamindu vacunecha jingoni, marhapenkuarutsi p'amexuarhaka, tingarakatsi, ejp'u p'ametsikua ochaka kuatarhani isiisi p'ikuarharaka jimakani engatsi na vacunarikurhiakia. Inde ambe arhikueksi eska chari angakujkua kuajperakua nimarhakua ambe uingaskundaxati.



Eskatsi na vacunarikurhiaka asi mirikuarije xeparhini jangurhini. Isiesti eska vacuna angasitakuauaka p'amenchakua sano iamieuechani, ustaruksi jorhengurixaka nanina angasita COVID-19 keritarhapakua. Jimakani ustaru omukurhije, jarhapiarje xani eska iumu jantsiri sani ioskaka (tsimai metru), ka chungumuje eska CDC's na aiengipiaka imecha engaksi iamundu vacunecha jukakia:

bit.ly/completo-su-vacunacion

NANINATSI UA P'IRHANI VACUNANI

Ueanai jamani, ambe xani uani jano vacunanecha ixuasi isi ini estaduni jimbo ka mengu iapurhisitu ini pais jimbo. Vacunani imaksi uenati marhoatani engaksi tsinajpirikuaru isi anchikurhijk'a, imecha engaksi jatirikia, ka imaecha engaksi jima jarhajka enga uanikua k'urhipu euturhijka.

Abril 15 uenani, 2021, imaecha engaksi 16 uexurhini ka sanderu jatirikia uatiksi jukani vacunani.

Isi isi, suminstruecha ka vacuneri citecha no jani japosti. Vacunarhikurikua japoati sanderu isieska na exapangaka. No xani oindani, iamenduecha engaksi ueakaka jukani vacuna uatiksi vacunarikurhini.

Nanina ua patsani citani ma

Naninatsi ua patsani cita ma, imecha engaksi jatendaka:

- 1) **Uandajp'e chari tsinajpiri ochka imaecha engaksi xejk'a** ka kuaramarhiaje na jatinkisi ua xatsiku vacunani. [VaccineLocator.doh.wa.gov](https://vaccineLocator.doh.wa.gov)
- 2) Urhaje Washington anapu **Vacuna Xentakua** (erhakuje chari uandakua jima karhakua t'irerkanda tsuminarhu).
- 3) **¿Engatsi uetarhinchaka jarhoajperata cita kurhajkurhini teléfono jimbo?**
Uandajp'e ini kungurikua Centro de Atención Telefónica COVID-19 King County anapu, uakatsi uandajpani manda pauni tsipa uendani 8:00 a. m. ka tirhimandaru jamberi 7:00 p. m. 206-477-3977. Uakatiksi mokuchini uanikua uandakuechani jimbo, aienguaje naki uandakuatsi uetarhunchia.

Engatsi uekaka mitini nesí uaia jukani vacuna ka nanitsi ua kurhajk'urhini:

kingcounty.gov/covid/vacunas

TRANSPORTI ENGAKSI UAKA PANI VACUNACIONI CITARHU

- Jarhoajperakua teléfono jimbo, uandajp'e **425-943-6706 Lunesi-Viernesí 8:30 AM - 4:00 PM. P'ije 5 engatsi interpreti ueturhinka.** Uakatsi mensaje jurhakuni ka imaksi juandapandati.
- Engatsi ueakaka kurhajkurhini transporti enga uani jatangika, jungumaje (inglesi jimbok'u): bit.ly/vaxride
- Engatsi uekaka sanderu transportiri ambe miteni enga marhokuauaka k'erhichani, k'uiripu engaksi jarhoajpekua ueturhinchajka, ima engaksi Medicaid intsingak'a, ka veteranucha nije ixu: FindARide.org/COVID